

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2020/30, 20.02.2020թ.

**Բողոք բերող անձ՝** «Ար.Մեդտեխնիկա» ՍՊԸ

**Պատվիրատու՝** «Այրվածքաբանության ազգային կենտրոն» ՓԲԸ

**Գնման ընթացակարգի ծածկագիրը՝** «ԱԱԿ-ԳՀԱՊՁԲ-20/01-01» գնանշման հարցում

**Գնման առարկան՝** Թվային ռադիոգրաֆիայի և ռենտգենոսկոպիայի ռենտգեն համալիրի  
ծեռքբերում

**Բողոքի պահանջը՝** Պարտավորեցնել «ԱԱԿ-ԳՀԱՊՁԲ-20/01-01» ծածկագրով գնանշման  
հարցման Պատվիրատուին չեղյալ հայտարարել «ԱԱԿ-ԳՀԱՊՁԲ-20/01-01» գնանշման  
հարցման ընթացակարգը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Ռ.ՄԿՐՏՉՅԱՆ**

**Նիստերին կարելի է առցանց հետևել** <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ

ԲՈՂՈՔՆԵՐ ՔՆՆՈՂ ԱՆՁԻՆ

Հասցե՝ ք. Երևան, Մելիք-Աղամյան փող., 1

Բողոքը ներկայացնող անձ՝ «Ար.Մեդտեխնիկա» ՍՊ ընկերություն

Հասցե՝ ՀՀ, ք. Երևան, փ. Մ. Հերացի 7, 0025

Պետական գրանցման համար՝ 286.110.58543

Գրանցման ամսաթիվը՝ 2012-01-11

ՀՎՀՀ՝ 02604367

Հեռ՝ +374 93 882040

Էլ. փոստ՝ armedtechnicallc@gmail.com

Պատվիրատու՝ «Այրվածքաբանության ազգային կենտրոն» ՓԲԸ

Ընթացակարգի ծածկագիր՝ ԱԱԿ-ԳՀԱՊԶԲ-20/01-01

Գնման առարկա՝ «Թվային ռադիոգրաֆիայի և ռենտգենոսկոպիայի ռենտգեն համալիրի»

Բողոքի առարկա

2020 թվականի փետրվարի 14-ին «Այրվածքաբանության ազգային կենտրոն» ՓԲԸ-ի կողմից էլեկտրոնային գնումների Armeps ([www.armeps.am](http://www.armeps.am)) համակարգի միջոցով հրապարակվել է ԱԱԿ-ԳՀԱՊԶԲ-20/01-01 ծածկագրով գնանշման հարցման հրավեր: Հրավերով տեսնանվում է, որ հայտերի բացումը տեղի կունենա էլեկտրոնային ձևով՝ էլեկտրոնային գնումների Armeps համակարգի միջոցով, հայտարարության հրապարակման օրվանից հաջված 7-րդ օրը (21.02.2020թ.) ժամը 11:00-ին:

Հրավերով սահմանվում է, որ հրավերը կազմվել է գնումների մասին ՀՀ օրենսդրության, այդ թվում՝ «Գնումների մասին» ՀՀ օրենքի (այսուհետ՝ Օրենք), ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ՝ Կարգ), ՀՀ կառավարության 2017 թվականի ապրիլի 6-ի N 386-Ն որոշմամբ հաստատված «Էլեկտրոնային ձևով գնումների կատարման» կարգի և այլ իրավական ակտերի պահանջներին համապատասխան և նպատակ ունի Այրվածքաբանության ազգային կենտրոն ՓԲԸ-ի (այսուհետ՝ պատվիրատու) կողմից հայտարարված ընթացակարգին մասնակցելու մտադրություն ունեցող անձանց (այսուհետ՝ մասնակից) տեղեկացնելու ընթացակարգի պայմանների՝ գնման առարկայի, ընթացակարգի



անցկացման, ընտրված մասնակցին որոշելու և նրա հետ պայմանագիր կնքելու մասին, ինչպես նաև օժանդակելու ընթացակարգի հայտը պատրաստելիս:

Հայտեր կարող են ներկայացնել համակարգում գրանցված բոլոր անձիք, անկախ նրանց՝ օտարերկրյա ֆիզիկական անձ, կազմակերպություն, քաղաքացիություն չունեցող անձ լինելու հանգամանքից:

Հրավերով պահանջվող սարքավորումների տեխնիկական բնութագրերի ուսումնասիրության և բավականին մեծ թվով ռենտգեն սարքավորումների արտադրողների հետ այդ բնութագրերի վերլուծության արդյունքում պարզ դարձավ, որ լին չափաբաժնով պահանջվող Թվային ռադիոգրաֆիայի և ռենտգենոսկոպիայի ռենտգեն համալիրի տեխնիկական բնութագիրը կազմված է թերի, և այս բնութագրերով սարքավորում մատակարարելն անհնար է: Մասնավորապես, սարքավորման անվանումից պարզ է դառնում, որ Պատվիրատուն ցանկանում է ձեռք բերել ռենտգեն համալիր, որն ունի նաև ռենտգենոսկոպիական հետազոտություններ անցկացնելու հնարավորություն, այնինչ ամբողջ տեխնիկական բնութագրերը գրված են միայն ռենտգենոգրաֆիական հետազոտություններին բավարարող սարքի համար: Այսպես, օրինակ, սարքի տեխ.բնութագրերում նկարագրված է «Պատկերի ուղղահայաց կանգնակ» կոչվող մասը, որը ռենտգենոսկոպիկ հնարավորությամբ համակարգերի դեպքում չի օգտագործվում: Սարքի գեներատորի տեխնիկական բնութագրերում նույնպես նշված չեն ռենտգենոսկոպիկ հետազոտությունների համար անհրաժեշտ տվյալներ, ինչպես օրինակ՝ գեներատորի հզորությունը սկոպիայի դեպքում, հաճախականությունը սկոպիայի դեպքում և այլն:

Ինչ վերաբերում է երկրորդ չափաբաժնին՝ Անխափան Սնուցման Աղբյուրին, հրավերից ընտմ է, որ անխափան սնուցման աղբյուրը նախատեսվում է ռենտգեն համալիրի համար, իսկ մինչև պարզ չդառնա, թե ինչ հզորությամբ և ինչ պարամետրերով ռենտգեն համալիր է ձեռք բերվելու, անխափան սնուցման սարքի ձեռքբերումն ուղղակի անիմաստ է: Այսպես, օրինակ, նույնիսկ այս թերի բնութագրերով նշված 50կՎտ հզորությամբ ռենտգեն համալիրի համար 120կՎԱ հզորության անխափան սնուցման սարքը անիմաստ է, նմանատիպ սարքին կբավարարի նույնիսկ 60-80կՎԱ հզորության անխափան սնուցման աղբյուրը:

Բացի վերոնշյալից, փաստենք նաև, որ հրավերը կազմված է 22 գնումների գործընթացը կարգավորող իրավական նորմերի խախտմամբ: Մասնավորապես.

Համաձայն Հայաստանի Հանրապետության կառավարության առ 10 հոկտեմբերի 2019 թվականի N 1422-Ն որոշման (ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017 ԹՎԱԿԱՆԻ ՄԱՅԻՍԻ 4-Ի N 526-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿՍՏԱՐԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2017 ԹՎԱԿԱՆԻ ՆՈՅՆԵՄԲԵՐԻ 16-Ի N 1454-Ն ՈՐՈՇՈՒՄՆ ՈՒԹԸ ԿՈՐՅՐԱԾ ՃԱՆԱԶԵԼՈՒ ՄԱՍԻՆ) 11-րդ կետի՝

11) 34-րդ կետի 1-ին և 2-րդ ենթակետերը շարադրել հետևյալ խմբագրությամբ՝

«1) գնումների մասին հայտարարության և հրավերի կամ նախադրակալվորման մասին հայտարարության տեքստերը Հայաստանի Հանրապետության ֆինանսների նախարարի սահմանած

կարգով հրապարակում է տեղեկագրում: Ընդ որում հայտարարության և հրավերի տեքստերը, ինչպես նաև գնահատող հանձնաժողովի նիստերի արձանագրությունները, պայմանագիր կնքելու, կնքված պայմանագրի և ընթացակարգը չկայացած հայտարարելու մասին հայտարարությունները հրապարակվում են նաև ռուսերեն լեզվով:

Հրավերն ուսումնասիրելիս պարզ է դառնում, որ տեխնիկական բնութագրերը ռուսերեն թարգմանված են մասնակի, ոչ ամբողջական:

### ԲՈՂՈՔԻ ՊԱՀԱՆՁ

Հաշվի առնելով ներկայացված փաստերը և իրավական հիմքերը՝ ինդրում ենք պարտավորեցնել ԱԱԿ-ԳՀԱՊՁԲ-20/01-01 ծածկագրով գնանշման հարցման Պատվիրատուին չեղյալ հայտարարել ԱԱԿ-ԳՀԱՊՁԲ-20/01-01 գնանշման հարցման ընթացակարգը:

Կից ներկայացվում են՝

1. ԱԱԿ-ԳՀԱՊՁԲ-20/01-01 ծածկագրով գնանշման հարցման հրավերի պատճենը,
2. «Ար.Մեդտեխնիկա» ՍՊ ընկերության պետական օեգիստրի քաղվածքի պատճենը,
3. Բողոքարկման վճարը կատարված լինելը հիմնավորող փաստաթղթի բնօրինակը

«Ար.Մեդտեխնիկա» ՍՊ ընկերության տնօրեն՝ Վ. Թորոսյան

